

鬼谷犬履山陰鵝經

仙傳拾遺鬼谷晉平公時人隱居嵩陽鬼谷因以為號先生姓王名訓蘇秦張儀從之學縱橫術智謀相傾奪不可化以至道臨別去先生與一隻履化為犬以引二子即日到秦矣先生在人間數百歲後不知所之

真誥注王逸少卽王廙兒曠之子有風味善書後為會稽太守永和十一年去郡不復仕先與許先生周旋頗亦慕道又晉書羲之愛鵝時山陰道士好養鵝羲之往觀焉意甚悅因求市之道士云為我寫黃庭舉羣相贈耳羲之欣然寫畢籠鵝而歸

道藏輯要

三洞群仙錄

至

翼集五
川上二

偃佺松實永瓚茯苓

列仙傳偃佺槐山採藥人也好食松實形體生毛行走如飛年三百歲劉向為之頌曰偃佺餌松體逸眸方足躡鸞鳳走超騰驥

仙傳拾遺葛永瓚常居蜀之上清山志希度世巨松之下時有夜光因得茯苓其狀如人形鍊而食之能飛行變化丹成服之白日昇天因號上清山為葛瓚山

天師鬼降真君牛鬪

高道傳天師張道陵昔成都與鬼戰奪二十四獄俱為福庭降二十八宿以通正氣時有鬼帥尙居青城山下為人鬼質